

շարքերը, որ տեղացիների լեզուով կոչւում էին «ըղտու քարեր»: Այդ բոլորը յիշեցնում էին ինձ այն վաղեմի հերոսական արկածները, որ կատարուել էին Բաբելացոց աստծու՝ Բելի եւ մեր նախահոր՝ Յայկ-դիւցազնի մէջ: Նայում էի դէպի ձախ. երեւում էր Տաւրոսի շղթան՝ խուփայ բարձր լեռներով, որոնց միւս կողմում շատախցիք գազանների հետ են պատերազմում: Իսկ մեր առջեւում Մեղրի գետի շամբուտների մէջ թաքնուած էին Օձ քաղաքի առասպելապատում աւերակները: Դէպի ո՛ր կողմ եւ նայում էի, երեւում էին հայրենեաց անմոռանալի յիշատակները: Բոլորը իմ սրտին շատ մօտ էին, բոլորը լցնում էին իմ սիրտը մի սրբազան հպարտութեամբ, երբ մտաբերում էի փառաւոր անցեալը, եւ, միեւնոյն ժամանակ, բոլորը լցնում էին իմ սիրտը մի թախծալի տխրութեամբ, երբ տեսնում էի թշուառ ներկան...

Խօսակցութիւնը հասարակաց լինելու համար, կրօնաւորը այժմ խօսում էր թուրքերէն: Նա Ասլանին՝ երկրի եւ նրա պատմութեան հետ անծանօթ մի եւրոպացու տեղ դնելով, պատմում էր նրան զանազան անցքեր Տարօնի մասին, ի հարկէ, կրօնական կողմից միայն, այն եւս ծուռ ու սխալ կերպով:

– Այդ երկիրը, – ասում էր նա, – լի է այն բոլոր յիշատակարաններով, որտեղ կատարուել են մեր ս. Լուսաւորիչ հօր հրաշագործութիւնները: Երբ գնաց նա Կեսարիա եւ Ղեւոնդես հայրապետից հայոց քահանայապետ ձեռնադրոցեալ, վերադարձին Ղեւոնդեսը ընծայեց նրան սրբոց շատ մասունքներ, որ տանէ Յայաստան եւ, կռատները քանդելով, նրանց տեղը քրիստոնէական տաճարներ հիմնէ: Այդ մասունքների թւում էին ս. Յովհաննէս Կարապետի եւ ս. Աթանազիւս հայրապետի նշխարները: Մի զոյգ սպիտակ ջորիներ տանում էին այն կառքը, որի մէջ դրած էին սրբոց մասունքները: Երբ եկան Տարօն, անցան Եփրատ (Արածանի) գետը եւ մօտեցան Քարբէ լեռան բարձրութիւններին, այդ միջոցին աստծու հրամանով ջորիները կանգ առին, այլեւս առաջ չգնացին: Ս. Լուսաւորիչը հասկացաւ, որ այնտեղ պէտք էր հիմնել տաճարները: Բայց այդ լեռան գլխին շատ կռատներ կային, որոնց մէջ դէւեր էին բնակւում: Ս. Լուսաւորիչը խաչակնքեց, կռատները կործանոցեան, եւ դէւերը հալածոցեան: Այնտեղ հիմնեց ս. Լուսաւորիչը Ս. Կարապետի վանքը եւ ամփոփեց նրա մէջ իր բերած սուրբ մասունքների մի մասը: Այն դէւերից մէկը մնաց միայն, որ մինչեւ այսօր ծառայում է վանքի մէջ:

– Ի՞նչ է շինում, – ընդհատեց Ասլանը նրա պատմութիւնը:

– Վանքի թնիկների մոխիրը առնում է եւ ստորերկրեայ աներեւոյթ ճանապարհով տանում է, ածում է Եփրատ գետի մէջ: Նրան կոչում են «կաղ